

中興禮書續編

中興禮書續編第五十五卷

凶禮二十一

永思陵二十一

鼓吹 警場挽歌

淳熙十四年十一月二十三日禮部太常寺言將來  
梓宮發引條具申請事件下項 一檢照紹興十四年  
梓宮發引依禮例翰林學士中書舍人撰挽詞二十  
首緣事體至重更令文臣職官以上各撰挽詞二首  
及二十九年禮例文臣職事以上各撰二首并降赴  
太常寺教習所有將來梓宮發引各撰挽詞欲乞依  
上件禮例施行 一依國朝來故事發引前夕並沿  
路宿衛至陵所並合排設驚場所所有將來梓宮發引

前夕并沿路及至橫宮宿頓欲依故事排設警場令太常寺條具申請按習施行 一依國朝故事梓宮發引前夕并沿路導引及宿頓合用鼓吹並學士院修撰道引歌詞所有將來梓宮發引合用導引鼓吹歌詞乞令太常寺條具合用節次申請按習施行 一檢照紹興十二年二十九年體例合差挽郎今未欲乞依<sup>上</sup>件體例差撥施行 一所用鼓吹警場挽郎依故例係五使按閱今已差總護使橋道頓遞使欲乞從總護使於發引前二日就貢院同橋道頓遞使都大主管官并禮部太常寺官按閱詔依二十四日禮部太常寺言將來梓宮發引前夕合用警場并沿路依國朝故事導引鼓吹并撰導引之歌

詞今檢照昨歲宗皇帝頭仁皇后梓宮發引禮例申  
請事件下項 一警塲合用金鈺一十二人鼓手六  
十人鳴角六十人逐色教頭共五人管轄人員三人  
都押使臣一員乞令殿前司差就用本司金鼓鳴角  
并差武嚴教頭三人合于本寺合武嚴兵給內差撥今  
來本寺即無武嚴兵級乞令殿前司一就差曾經攝  
武嚴教頭內差撥前來 一鼓吹合用鼓吹令丞職  
掌府典史引樂官共一十人內除令丞見管外有餘  
名色人并乞依于本寺<sup>寺吏</sup>等<sup>吏</sup>內差押祇應并合  
用歌色一十六人箏篋色三十人笛色三十人簫色  
人大鼓一十六人小鼓一十六人節鼓一名金鈺四  
人共用一百二十一人乞依昨紹興二十九年例令

殿前馬步三司均差今來馬軍司出戍無人差撥外  
止訖乞令殿前步軍均差棧刷會解臬臺之人內選  
差誠字一十六人充歌色 一鼓吹臬曲詞章合用  
黃鍾羽調引六州十二時三曲歌詞乞令本寺具腔  
譜申學士院修撰降下本寺教習施行 一鼓吹警  
場教習去處乞依例于本寺教習乞下臨府辦截排  
辦施行 一所有鼓吹令昨紹興二十九年係承節  
郎賀景元合服本寺紫公服鼓吹人依白身人合服  
綠公服今來鼓吹令丞并係白身人合服綠公服黑  
角帶幘頭靴職掌府典史引臬官各服緋羅寬衫執  
色臬工合服緋薰衫平巾幘白抹帶警場三色教頭  
武嚴教頭管押人員並服緋寶相花袍小帽子白抹

帶金鉦角匠並服平巾績緋實相花袍白絹抹帶鼓  
手黃雷花袍雷花抹額白絹抹帶并令具數下祇候  
庫閒借使用候事畢送還 一鼓吹金鉦大小鼓柷  
鼗欲乞于祇候庫揀選有聲韻甚好者閒請使用外  
有節一面年深損壞不堪脩飾乞下文思院計會本  
寺換造并架子杠索等應副前期教習使用其抬擎  
人兵乞令殿前司差一十人於發引前五日發遣赴  
寺 一鼓吹依禮例騎道今來經由水路合用網船  
四隻擇<sup>其</sup>人物足脩乞下兩浙轉運司預行差撥應付  
施行 一鼓吹警場自發引沿路至橫宮逐頓合用  
麻油杓盆罐杓樺皮竹席薦紫炭之類候差到點檢  
一行事務所從寺具數<sup>聞</sup>報行下逐頓排辦施行

一鼓吹做場畫在渠引遇夜并番衣赴做場振作合  
前期教習欲乞依例教習一月日詔依 十五年二  
月二十一日禮部太常寺言將來發引今檢照故事  
申請下項 一合用挽歌人類節級二人歌頭二人  
唱詞十八人和聲六人執鐸和聲八人執披四人教  
紳一人執纛一人執翼一人合用報色服著欲乞行  
下文思院製造黑杖子二條銅鈴二十六連骨黃銅環全  
銅鐸八連骨朱紅紼一事真紅生絲裝畫纛一事  
連脫免生絲全彼四條翼八事帝糊油畫冠五十頂  
白身紼袖青欄背圍花歌衣五十領 一依例差押  
教二人合服綠公服乞下祇候庫閣借 一所有挽  
歌人乞從昨與二十九年體例下臨安府勒令挽歌

節級拘集會解唱和之人保明差使臣管押赴寺教習祇應施行如有元係挽歌見在官司之人乞牒所屬抽取日下發還事畢發還所有差充挽歌人并權免諸般差役事畢依舊一今來依例合教習一月日乞于靈芝寺仍乞下靈安府照會擗截排辦一所差挽歌人係和顧百姓閱習唱和節次所有合破日支食錢乞依禮例係殿橫發引都大主管所行下諸司支費所支給自拘集日支破事畢日往支一將來發引至橫宮經涉水路合用二百料船二隻擇人物足備乞依例下雨浙轉運司前期差撥施行詔依

三月七日禮部太常寺言勘會將來梓宮發引從已



降指揮合排設鼓吹警場及所用抬擎節鼓軍兵共二百八十五人係借差殿前步軍司雜橫橫樂人充攢并職掌府典吏引樂官十人差本寺鼓吹令并人吏充攝及合用挽歌五十人押教二人內押教二人差本寺職級樂正充攝祇應并未有借請起發緣今未按行使司等處及隨從梓宮一行禁衛等并各有借請除挽歌係募召百姓無本身請給不合借請外其餘借差到殿前步軍司雜橫樂人并本司所差人吏職給樂正并各從昨紹興二十九年例借請本身請給一月候回日依條除剋詔依八日禮部太常寺言勘會將來梓宮發引今續行條具下項一檢準淳熙十四年十一月二十二日已降指揮節文

所有鼓吹警場挽郎依故例係五使按閱欲乞從總  
護使於發引前二日就貢院同檢道頓遠使都大主  
管官并禮部太常寺官按<sup>閱</sup>續準今年二月二十四  
日指揮節文起櫓用三月十六日<sup>祭</sup>引用三月十八日前  
二日係按閱鼓吹警場挽郎緣十八日係啟櫓日分  
又緣貢院鎖試相妨今欲乞改用三月十四日就本  
寺隨宜排設按閱所有含有搭蓋席屋并釘設按樂  
幕次椅棹什物逐官吃食等并乞下臨安府前期排  
辦施行 一所用鼓吹徹場挽郎照得鼓吹警場係  
在宮外排設并沿路道引其挽郎係在梓宮前拜舞  
唱和沿路祇應欲乞是日從總護使等官就作先次  
按閱鼓吹警場畢立觀按閱挽郎施行詔依

鼓吹歌詞

黃鐘羽 渠引

寒日短草露朝晞仙鶴下亭雲崑大椿亭畔蒼蒼柳  
悵無由挽住天衣昭陽深院暝衣飛愁帶箭戀恩栖  
笳蕭三疊奏都人悲淚袂成堆

六州

堯傳舜盛事千古難並回龍馭舞鳳掖北內別有蓬  
瀛為子父冊鴻名萬年千歲福康寧春秋不說楚冥  
靈菜衣綵戲漢殿玉卮輕宸遊今不見烟外落霞明  
前回丁未霧塞神京正符光武中興擎天猶力扶傾  
定宗廟保山河乾坤整頓庾庾功成了脫屣遺榮訪  
崆峒空與丹庭笑把塵寰不留行吾皇哀憇血淚栖

神旌腸斷濟江渡明日稽山暮雲東望元陵

十二時

壁門雙闕轉蒼龍德壽儼祇宮軒屏正坐天子親  
天公儀神笏羅駕鸞架廷中仙家懽不盡人世壽無  
窮誰知雲路玉京成就催返璇宮轉手萬緣空見說  
煙霞好處不與下方同塵合霧迷濛笙簫寒亮樓閣  
玲瓏中興大業巍巍稽古成功事去孤鴻忍聽宵柝  
晨鏡鏗靈輦駕素帷低香龍茸浙江潮萬神護川后  
滋忝因山祇事崔嵬禹穴此日重逢柏城封愁長在  
起悲風歌清廟千古誦高宗

中興禮書續編第五十六卷

凶禮二十二

永思陵二十二

挽詞

御製五章

草昧千齡旦魃向九縣  
皇天開我宗丹極下真人  
指示山河定歡呼歷教新  
斷鰲重立極更與物為春  
亦伏興王業巍巍四十年  
佛狸今送死天馬合爭先  
自有壓兵車會新提造化  
權此疆并爾界恩德到淵  
泉  
拼邀光堯德重華愧有虞  
居然將菲質正爾紹皇圖  
覆燠燕君父文明照典謨  
大恩渾未報血淚一未俱  
不謂神仙窟今時異昔時  
鼎湖龍去遠社首

鳳來還願畢三年創驚聞七月期痛心思繼代不忘  
有聲詩 夢斷堯千歲神遊五陵洛京元在望禹穴  
且相仍仗術淒烟合簫笳凍雨凝漫磨千丈石未足  
頌中興

### 皇太子

昔在艱難日神開亦伏符乾坤重整頓社稷更持扶  
英武恢王業寬仁悼帝謨指疆終克復不見會都  
三紀凝天命熙然萬寓春農疇迷綠野烽火靜黃塵  
內治樞機密人文禮樂新中興能事畢脫悅履付人  
真人

黃屋非心久魏魏冠百王九重崇至養八袞行休祥  
道大人天仰心閑日月長塵寰留不住終返白雲邦

卿

鶴禁叨儲貳承恩侍祖堯孫枝元未報仙馭已成遙  
功德尊高廟威靈在紫霄山陵成指顧應有百神朝  
皇孫平陽郡王 寶歷開真主皇天佑我  
家振夷功廣大後古自光華仁覆生靈遂神怡壽祀  
遐延巍稽上古帝典又何加

至養安慈宸尊臨仰太翁重重慶方遠九九數何窮  
私挹曾門戚悲纏率土同龍輶登去路雲慘浙江東

左丞相王淮

炎祚間中業龍興自有真揮戈回日照洗甲挽天津  
立極乾坤正循環雨露新嗣皇能繼志詩為武功陳  
歷教堯咨舜堯堦舜見堯三加徽號冊五日未央朝

廟祀瞻龍衮韶音遇鳳簫伏蒲思往事淚濺浙江潮

右丞相周必大

社稷中興否干戈靜四溟生年同藝祖慶壽似慈寧  
人意庾夔天傾九九齡向來懷夏禹今祔越山青  
太極乾元父清都上帝宮宴酬忘馭駿仙去任遺弓  
音遇堯仁遠旻號舜孝隆孤臣臺閣舊血淚洒春風

知樞密院事黃洽

臨御綿三紀憂勤豈一朝披榛功迄立脫屣德彌超  
衽施重孫慶尊崑崙乘朝若將謨典較真是可光堯  
憶掌承上諭侍宴奉堯卮笑語有餘樂從容不覺疲  
方經翼翼換運動鼎湖悲望斷稽山塢小臣惟涕洟

叅知政事留正



內祥克咎舜中興夏配天鴻名元寶冊奎畫動星躔  
靜享仁人壽書傳聖政篇永言天下寶胡不萬斯年  
南北休兵久仁恩及物深九齡終帝夢四海遘韶音  
聖孝高於古哀衣始自今一垓陵上土他日卜蒿吟

參知政事蕭燧

撥亂中興事艱難創業同好生天地德立極帝王功  
與子基圖永居尊福祿崇一朝達大養悽愴櫟陽宮  
畫翣排仙仗龍輅去莫攀衣冠藏漢廟弓劍閔橋山  
宇宙精神憐臣民涕泗潛堯階莫笑在無復望慈顏  
兵部尚書宇文价

天啟欽明后龍飛險難中衣裳方受命已笑已平戎  
治道周家脩官儀漢室隆中興凡幾見惟聖有初終

緝遶高千古規模定一朝執中親授舜傳子遠賢堯  
坐閱千年統俄虛五日朝攀髯知莫及兩泣看春潮  
宸游驚脫蕝望斷泣遺弓霜露堯階暗山陵禹穴空  
亮陰全聖孝逼密見遺風從此羨塲念惟收繼伐功  
歷教雖天定全功亘古無商宗容並駕漢祖可同符  
大與乾坤合高難日月踰鴻名終莫擬聚訟陋諸儒

翰林學士洪邁

寶曆中興運於今六十年洗光陽古日鍊補女媧天  
大業超東漢皇恩暢北燕聖謨誰可頌會有筆如椽  
往在艱難際乾坤震擾中京金元有主趙魏剪為戎  
整頓須神武扶持主雋功配天還祀夏宜與少康同  
紫塞連沙漠天親隨香冥竟能衰永佑復見養慈寧

孝道光千古精誠格上靈典謨書不盡赫赫照丹青  
威德如何說由來只是仁推心無爾界摩手為吾民  
廣大天同道高明聖與鄰欲知恩普處海岳但微塵  
禍轉亡胡歲天催五鼎亨只知江飲馬豈料觀封鯨  
士感親征詔神扶義戰兵干戈俄載戢遺恨不收京  
翼善能傳聖藐藐又見堯纓踰命知歲已禪拱宸朝  
玉冊三加俊瓊宮千閤超大章：懿鏐稽古耀宗祧  
聖學由天縱煌煌翰墨場臣中羞確靖戶外立鍾王  
飛動鸞窺藻胎回斗避芒煥文瞻仰處傑閣在西廂  
北內神靈地期期億萬年巖廊明舜日宇寅戴堯天  
樂事湖山遍英徽雅頌傳那知開玉鎖不懸地行仙  
鶴馭臨丹極龍髯墜玉塵爐烟猶泛夜宮藥已迷春

夢斷無尋處宸遊不見人傷心天壤內血淚染車塵  
仙仗歲華去行行溯水東嵇山元禹穴吳岫自堯宮  
帳殿栖寒霧笳城起暝風霓旌不可望應在采雲中

刑部尚書葛邲

身濟艱難業重開萬世基元功垂宇宙盛德遍華夷  
脫屣存尊養遺弓動孝思千秋奉高廟忍看未央危  
奔慕天何極羹牆想見堯挽鈴傳聖作擊壤記民謠  
獨舉三年制猶存五日朝傷心神禹穴吹淚咽春潮

工部尚書韓彥質

大厯開真主群雄控六飛山河千載業天地一成衣  
復古邊疆定銷兵聖母歸依然興禮樂文物遍郊畿  
為物聊經世本無黃屋心重明得傳器大業若遺簪

典冊褒崇極庭闈孝養深上天歸德報不使二毛侵  
八秩真希有三靈感具依鼎湖龍已遠汾水雁空飛  
羽衛愁無色風雲慘不暉惟餘功與德千古仰巍巍

戶部侍郎葉翥

啟運移天步同仁熄障烟萬方開泰日三紀中興年  
授舜河圖告尊堯玉冊錫雲間騰鶴駕弓箭忽悲纏  
奎文琬琰在帝業典謨昭盤鬱嵒山穴淒涼前殿朝  
皇哀移綺仗終制遏蕭韶茹咽春江曉千官淚送潮

刑部侍郎劉翬

威震闡河外心遊造化先華胥驚斷夢杞國痛摧天  
聖政書三紀中興立萬年傷心未央殿永夜月空圓  
日宴瞻仙仗雲深返帝鄉乾坤終一統越洛且相望

撥亂崑先帝收功屬後王聖心元有在不但見羹墻

給事中王信

一定乾坤後干戈萬國休功成身不有恩大世難酬  
兩泣龍棲旣雲騰鶴駕休傷心問耆老投淚莫能收  
音寂歌薰奏塵浮介壽觴九重舜躬孝三載服堯喪  
弓劍留無益羹墻見不忘攀躋會稽路山遠水茫茫

中書舍人兼直學士院李燾

建炎恢聖統太上極尊名夏祀忝天永克勛冠古榮  
艱難成帝業付托本皇明俯閱人間事颺遊誇九清  
壽厯開金笑皇歡奉玉顏難堪天道遠忽捨帝鄉還  
敷德戎夷外安民禮樂間功崇超大禹神穴枕稽山  
赫奕中興事洪圖久係隆垂裳三紀後脫躐再星終

靈馭龍騰座仙晨鶴翥空薰琴無盡意通塞捲悲風  
漢殿傷心地葵堦夢正芳珠藏越赤水鼎在泣烏號  
神蒸光仍煥仁風遠更翔百王誰比得商廟獨推高  
鍊日龍輪動喧天鳳吹收橋山融露碧梧野結雲愁  
萬葉休符衍三年孝制修臣民瞻祖載痛哭拜江流

中書舍人陳居仁

力拯艱虞運天開聖哲君赤符恢世祚蒼籙炳人文  
帝學窮源真宸奎照典墳三宗從昔號超軼未前聞  
天步方寧止民區復晏然心非堯位樂子授舜躬賢  
揖遜高千古恬怡益萬年乘雲歸帝所溥率浹成川  
聖畧如天大仁心亘古無神兵勝淝水鳴劍罷伊吾  
宵旰逾三紀歌謠遍八區耆龐聽遺詔躋絕更嗟吁

漢日朝前殿神堯宴大安徒誇一時盛誰似兩宮歡  
謾采瀛洲藟猶餘荆鼎丹傷心浙江畔編仗自回來  
德壽尊慈展怡神久北宮綵衣頻侍宴寶冊已垂鴻  
劍落橋山外陵開禹穴東從今壽文宮無復玉卮同  
右諫議大夫謝諤

炎正中興日真龍應運翔山河重整頓宗社鎮安疆  
付托崑明聖優游享壽康自從遺詔下痛哭遍遐荒  
孝德高千古艱難助有神祐陵從吉壤長樂奉慈親  
三紀規模遠郡生雨露均只今陶舜治推本感堯仁  
敷文閣待制張子正

身濟艱難業功收建紹時車攻修政事司隸復威儀  
南北均仁愛乾坤報壽祺徽稱高廟祐再造等鴻基



內祥光前古皇恩大莫酌賓天騰霍駕問寢怡龍棲  
七月遺弓閣千巖王氣浮先臣早攀附應帶玉京遊  
教文閣侍制吳琚

鴻業數多難炎國衆復興玉卮尊壽域寶鼎鍊靈稱  
鐘虞新文廟衣冠接禹陵聖功天廣大刻化愧難能  
活水磨崖頌康衢擊壤詩倦勤親授受退養樂期頤  
弓劍神遊遠夢塢聖子悲寢門陳素仗無復未央遺

吏部侍郎章森

歷教延周卜詠歌識啓崑熙臨還日月付托重裳衣  
風雨群龍應乾坤一劍飛中天知有造大德侈重輝  
祐陵弓劍古長樂鼓鐘深仁孝由天質哀榮極帝心  
百年周禮樂萬國漢詠吟恢括成規在雲霓望到今

心已非堯屋天方錫禹疇雍容三遜日燕翼萬年謀  
曉色開璇宇春聲度玉舟衮衣親舞舞盛事絕前疇  
帝學深千古奎文盡六經聖明更作述道德有儀型  
荆鼎如聞就虞琴不忍聽傷心對南極夜作老人星  
風露賓群羽雲雷折九關倏空塵世夢元厭紫青班  
淚落人間雨愁連海上山三年不言處古道獨今還

禮部侍郎嚴師魯

炎運重熙日人心誓不忘規模同藝祖忠厚似仁皇  
萬里衣裳信千秋揖光遜始終並失德端並陶唐  
道冠百王上功成三紀間堯遜忽汾水禹葬曾稽山  
縹緲騰仙馭滂沱慘聖顏衣冠寧久此京洛會當還

起居郎胡晉臣

運逢陽九厄大統實親承  
戡定資神武艱難中興皇  
風高揖建徽號極推稱  
遠邇長生葯雲隨鶴馭昇  
王利存兼舜仁恩添淚深  
宮惟侍宴駕戎狄亦傷心  
介壽虛克酒纏哀入舜琴  
琴瑟嗟莫及血淚但盈襟

起居舍人鄭僑

聖武高千古仁恩沒八埏  
中興垂漢統內禪享堯年  
寶冊逾三上慈憐慶兩全  
黃雲擁仙鶴趣駕獨賓天  
問寢虛前殿日山仰上皇  
孝思濡雨露孺慕見羹墻  
禮起通喪志哀形繼伐章  
他年浮哭厥何處奉瑤觴  
殿中侍御史冷世光

纘服艱難後沉幾倣擾初  
孝心柔在衽慈殿返安輿  
牛馬聊休牧畊桑即莫居  
少康仍祀夏功烈竟何如

脫屣輕堯禘垂裳協舜華孫謀千載下德壽八齡賒  
內閣儲奎畫孤山破漢槎鼎湖颺馭遠宮闕五雲遮  
問寢勤清蹕乘雲邈去踪羹牆深在念天日恹無容  
禹廟荒寒路稽山濕翠峯老臣心更折嗚咽涕無從

左補闕薛叔似

烏髀成鼎後龍化渡江前湯紀扶皇極堯仁決漏泉  
修文宸慮密殞教晚功全脫屣魏巍日光華跨古先  
衛室皇心倦西宮子職祇奉卮三世并擊筑萬年思  
雲慘嵇山暮風掀汴水悲昭哉繼文志痛念隙駒馳  
右拾遺許及之

鰲極思難報龍髯恨莫攀興平三紀內壽考九齡間  
遜德光千古仁心亘八宸數周將必復盍看版圖還

夷夏均哀涕空同只故仙衣冠趨禹穴雲日慘堯天  
嗣聖昭仁孝通喪振古先小臣私罔極生長中脩年  
監察御史黃謙

大德興皇統天威警獫夷重恢周境土復振漢威儀  
頭髻崇堯冊耆年慶玉卮鼎成龍去遠攀慕不勝悲  
整頓乾坤後遺烽久已銷和親來北虜盟清樂東朝  
歷數躬傳舜文章煥有堯傷心會稽路仙仗綵雲遙  
監察御史吳博古

維昔天人會龍飛濟水陰赤符元受命黃屋本非心  
武定英威振文脩聖畧深煌煌中興業史冊照來今  
治定餘三紀功高寢五兵華夷均覆冒天地自生成  
顯赫思推稱諸儒力請明高光徒擬議蕩蕩本難名

道與天同大名尊古有光延年高五帝捷志上三皇  
展脫重霄迥弓遺萬國傷富最臨禹穴終慕見堯牆  
天上宸遊遠人間帳殿移忍聞遺世詔誰續中興碑  
嗣聖三年服思陵七月期傷心越山路草木亦纏悲

中興禮書續編第五十七卷

山禮二十三

永思陵二十三

金國使人吊祭一

淳熙十五年正月十七日尚書省言大行太上皇帝  
升遐已差告哀遣留使副奉使金國將來却有差到  
國信使副所有見辭投書應干禮儀詔令禮部御史  
台閣門太常寺預行脩定聞奏

二十三日尚書省劄子盱眙軍中丞泗州牒差定弔  
祭使副取正月二十七日過界使鎮國上將軍左宣  
徽使蒲察克副中議大夫太常少卿劉瑋讀祭文官  
朝散大夫充翰林脩撰同知制誥耶律履三節人從

六十七人上節九人中節一十四人下節四十四人  
四人

二十四日臣僚劄子奏臣聞教國有事相觀以兵無  
事相閑以禮中國夷狄之分有禮與無禮而已設而  
不當教國何觀臣聞向者北方賀生辰使者至庭適  
當大行太上皇帝升遐一時倉猝靡有定論凡應對  
之詞進退之節悉勞聖慮終于不許朝見而歸深典  
禮今者賀正旦使到來陛下必欲設素幄以受書廷  
臣莫不以為疑而然禮之在彼皆恭順而不敢違唯  
是將來弔祭使到闕又與前日二使者事體不同是  
敵相視以禮之時本朝在廷之臣與弔祭使者所服  
之服所行之禮朝廷當先討論集議立為一定之制



以待之度無倉卒之失昔先衛文帝有喪齊遣裴昭  
明之徒如魏弔祭歆以朝服行事魏主客曰弔有常  
禮何得以朱衣入山廬往返數四昭明等不可且言  
齊高帝之喪魏遣李彪來弔初不素服何至今日若  
相要逼魏選學識之士成淹對曰齊不行諒陰之禮  
逾月即吉彪奉使之日齊之君臣鳴玉盈廷貂璫耀  
目獨敎以素服側其間乎今皇帝仁孝侔于有虞執  
親之喪居廬食粥豈得以此方彼昭明等詞屈請裁  
弔服遂製衣帽給之俾服以弔書之史策為不可掩  
陛下聖學高明執喪過哀起百代之曠典欲脩三年  
之制群臣扣請再三終不可奪事與前世大異他日  
弔祭在廷使者以朝服見則于禮未順以弔服見則

群臣釋服已久彼將命之人或有裴昭明之明使聖朝

安可不用成淹輩之辨論乎宜及其未至下禮部博

議裁酌其當否不可俟臨時討論或至倉卒也昔滕

文公行三年之喪及至葬四方耒觀之顏色之戚哭

泣之哀弔者大悅彼何為而為感動如此必有禮以

當其心也今日弔祭之禮寔敵國相觀之急務惟陛

下留神早下禮官討論不勝幸甚詔令禮官討論以

聞 右檢照國朝會要乾興元年契丹祭奠弔慰使

副並素服祭奠及朝見中書門下樞密院起居侍立

嘉祐八年契丹祭奠弔慰使副祭奠如乾興之儀治

平四年遼祭奠弔慰使副入奠進慰書入見如嘉祐

之儀其前項典故止該載祭奠弔慰使副素服即不

載中書門下樞密院官所服明道二年契丹祭奠平  
慰使副到闕文武百官兩省都知押班以下並服常  
服黑帶使副入殿祭奠并進慰書并素服昨紹興三  
十年弔祭使人到闕并常服吉帶宰執文武官并常  
服黑帶今來正旦使人到闕係在大行太上皇帝禪  
服後文武百官并黑帶今討論全國弔祭使人到闕  
如過界日見得使人服常服吉帶欲乞令接待使副  
宛順說諭令服擊黑帶庶得合宜若依臣僚劄子內  
用元冠成淹辨之說竊緣古今人情事体不同難以  
引用謹錄奏聞伏候勅旨

二月四日奉執進禮官定  
弔慰使到德壽宮宰執以

以皆用常服周必大奏昨顯仁時北使到已足附廟  
故用常服今大行太上皇帝在殯且到宮無撫陛下

方衣經受弔臣等亦難冠裳侍立况啟櫬發引服如  
初喪國未除也上曰宰執侍從大如大祥服四脚襖

頭哀經  
正得中矣

寶璽堂

同日詔令文思院製造帟祭使副讀祭文官三員各  
皂幘頭一頂紫羅服公服黑鞋角腰帶一條上中節  
二十三人各皂幘頭一頂紫素羅衫一領黑鞋角束  
帶一條內都管二人黑鞋角腰帶下節四十四人各  
素皂沙帽子一頂紫紗旋襖衫一領黑鞋白銀腰帶  
一條準條給賜

二十五日禮部太常寺言準批下儀鸞司申契丹令  
來大行太上皇帝升遐將來使人到闕行禮未審合  
與不合照應紹興三十年排辦過紫宸兩殿及殿內  
外所陳設色額等體例釘設并德壽宮殿門裏外及  
殿上兩廊兼已絞縛席屋至几筵殿上一帶有無合

排辦絞綳釘設去處及用是何陳設拜褥等名色乞  
下禮部太常寺逐一討論分明指定 一紹興三十  
年正月二十日禮部太常寺言儀鸞司狀今來全國  
帛祭使副到闕在近本司合預期排辦未合與不合  
依已排辦過正旦所用陳設等体例釘設亦未審有  
無增損更易名色今具已排辦過正旦釘設去處及  
所用陳設下項乞送禮部太常寺討論 一殿上辟衣  
額道柱衣并從床衣子并係素黃內拽簾條鈎青色  
今討論欲依儀鸞司具到上件已排辦過名件施行  
一赴座臣僚及使副並係紫座并臺卓衣子並係  
紫素及節三人從都管座褥條子方座子亦係紫縐  
并紫拜席褥 一兩朵殿及兩廊倚簷等并茶酒屋

並止用青額道其茶酒屋內偏釘衣子係用紫色契  
勘逐項儀鸞司排辦遇紫座并臺卓衣子及偏釘衣  
子並係紫色窋緣今來係弔慰使副排設即與前項  
賀正三事體不同今討論上件顏色并乞改用青色  
一使人殿內裏外待班閣下及殿門外賜酒果幕  
次壁衣額道緣簾鈎條并係紫色其賜果酒幕次內  
席條子亦係紫襴契勘依紹興三十年正月七日已  
降指揮使人位并賜宴聚食公所并接館伴位及赤  
岸班荆館都亭驛陳設用青素壁衣額道今討論欲  
乞用素青指揮改用青素 一殿門裏外百官幕次  
簾額并係紫色及青布單幕隨宜釘設今討論欲乞  
用青素及青布單子隨宜釘設行施詔依禮部太常

寺討論到事理施行今討論將來弔祭使臣到闕所  
有合用陳設等色額欲乞令儀鸞司照應前項已降  
指揮排辦施行 一紹興三十年正月二十三日禮  
部太常寺言勘會將來弔祭使副到闕詣顯仁皇后  
几筵殿行奠祭禮所有几筵殿上壁衣額道等並用  
縞素其卓幃用黃色所有慈寧殿門外幕次陳設等  
項並用素色詔依禮部太常寺所申令討論將來弔  
祭使人到闕其德壽宮殿門外陳設欲比附上件指  
揮令儀鸞司將殿門裏席屋并殿上壁衣額道等並  
為縞素其殿上卓屋等用黃色所有殿門外幕次席  
屋陳設並用青色仍令本司參照紹興三十年已降  
指揮体例排辦施行詔依二月二日主管往來國信

所言契勘昨紹興三十年弔祭使人時到祭奠弔慰  
禮物係于行禮前一日抬擎赴几筵兩處排設今來  
使人合赴德壽宮行禮所有排設禮物詔令于行禮  
前一日抬擎赴德壽宮兩處排設四日文思院言契  
勘本院近準指揮令本院製造排辦弔祭使人到闕  
准脩使賜使副并讀祭文官紫羅公裳上中節紫羅  
絹施襖衫并使副幞頭腰束帶帽子等本院並已製  
造了當所有公裳衣衫亦已變染物帛在院訖今計  
會得國信所稱令本院將所造生活候使人到驛臨  
時旋行比套身材頭圍展放製造本院除已將上件  
腰束帶幞頭帽子物帛等候使人到驛日咨發人將  
等前去比套展放裁造外不致闕誤申聞事又送到



主管往來國信所言已降指揮令文思院製造帛祭  
使副等素服準條給賜更令造製鞋、紅黑角腰帶五  
條紅鞋黑角束帶二十一條紅鞋銀腰帶四十四條  
令申尚書省詔並依

同日儀鸞司言契勘近準省創禮部太常寺討論到  
將來使人到闕帛祭所有垂拱紫宸兩殿令本司照  
應紹興十三年條例殿上用黃素釘設排辦本司除  
已遵守外今契勘得昨紹興三十年使人帛祭係在  
梓宮已發引之後到闕行禮殿上并用黃素所有今  
來使人帛祭却係在未發引之前到闕行禮兼照得  
近排辦只正使人到闕續承指揮令本司止于垂拱  
殿東楹釘設素使人見辭應奉使用了當所是見

排辦垂拱紫宸兩殿上黃素本司即未敢便行下手  
釘設詔令用素幄

同日樞密院言閣門申契勘將來弔祭使人到闕朝  
見合依例差習儀舍人閣門宣贊舍人潘師稷閣門  
看班祇候張準可以引使副及前期入驛習儀詔依

中興禮書續編第五十八卷

凶禮二十四

永思陵二十四

全國使人弔祭二

淳熙十五年二月四日禮部御史臺閣門太常寺言  
平省劄已降指揮大行太上皇帝升遐已差告哀遣  
留使副奉使全國將來却有差來國信使副所有見  
群受書應于禮儀令禮部御史臺閣門太常寺預行  
脩定聞奏今具下項 一行祭奠禮日欲乞依禮例  
皇帝先依德壽宮梓宮前行燒香禮如宮中之儀  
一參照乾興元年典故契丹遣祭奠弔慰使副到闕  
所司預于滋福殿設神御座又于稍東設御座並施

簾以俟使副行禮及見鮮紹興三十年金國遣弔祭使副到闕係于慈寧殿上設香案香茶酒果祭食等及于慈寧殿東間南向設御幄所有今來金國弔遣慰祭莫使副到闕行禮日欲乞令都大主管所行下主管事務及諸司于德壽殿上設香案香茶酒果祭食等所有朝見幄次緣德壽宮無朵殿欲乞隨地之宜令鸞儀司于東廊陳設素幄一座以俟使副並三節人從朝見其殿上并幄次依典故并令施簾一檢照明道二年八月一十八日契丹祭莫弔慰使副到闕祭莫并進慰書文武百官并詣殿門外進名奉慰及元符三年六月一日遼國發莫弔慰使副至闕祭莫入見百官進名奉慰于皇儀殿門外照得上件

奉慰典故祭緣奠日係與朔日同日文武百官奉慰  
昨紹興三十年二月六日弔祭人使行禮朝見畢文  
武百僚赴文德殿外進名奉慰今檢準淳熙十四年  
八月八日已降指揮禪除日山陵前朔遇朔望群臣  
入臨進名奉慰所有將來人使行禮朝見如遇朔望  
同日依前項典故并淳熙十四年十月八日已降指  
揮文武百僚即合入臨奉慰如人使行禮朝不係朔  
望同日其文武百官即不合入臨奉慰一昨國信  
所具到元祐八年接伴北朝祭奠人使張元方等語  
錄內十一月十六日宿內溝驛十七日于距馬橋南  
接見國信使耶律恂副使張奉珪恂戴金冠繫皂金  
牒焚奉珪鞵裙腰帶鞍韉皆紫帝擺官青絡縫紫衣

上中節人皆皂靴鍍金帶下節皂靴白銀帶紹興三十年討論上中下節所服依國信即具到典故施行令館伴使副臨時審度晚諭施行所有今來使人到闕欲乞依上件典故禮例令館伴使副臨時審度說諭施行 一昨國信所具到元祐八年祭奠館伴語錄內十二月十七日早恂等赴紫宸殿門謝射弓例物客省賜茶酒畢詣相國寺廣願塔及大殿次詣集禧觀五嶽嶽觀燒香紹興二十年討論依國信所具到上件故例除使副詣天竺燒香之類今館伴臣僚體當人使如須欲去燒香即依例施行不願亦聽從便外依故例不射弓其例物合依國信所具到令所屬依自來依例排辦先施賜施所有今來使人到闕

其天竺燒香之類欲乞依上件條例施行 一使副  
祭奠及朝見并奉辭朝辭德壽殿門外合用待班華  
次及是日宰執等幕次并乞令儀鸞司計會閣門國  
信所訂設排辦施行 一國朝典故祭奠弔慰使副  
禮畢歸幕次改常服赴客省賜茶酒候人使歸館別  
差近上臣僚押賜御筵紹興三十年討論依上件故  
事施行其賜御筵等亦令所屬依例排辦施行所有  
今來使人到闕欲乞依上件禮例施行其客省賜茶  
酒乞令所屬指定施行 一昨國信所具列捧祝文  
中書舍人二員明道二年係差尚書司封員外郎直  
集賢院王舉正王舉攝紹興三年已降指揮捧祭文  
中書舍人各二員差葉謙亨胡沂仍時暫借紫續準

省搭主管往來國信所狀吊祭使人到關有北引接  
孫元安等轉出儀範二本奉聖旨剗下閤門太常寺  
依此施行照得吊祭使副讀祭文官詣靈座殿門外  
幕次以案置祭文奠書係差內侍官二員外殿門外  
捧祭文奠書案入以俟升殿捧案詣几筵前置定讀  
祭文官啟封讀祭文奠書了當其中書舍人即不曾  
奉祭文行禮所有今來祭奠使副行禮合差捧祭文  
官欲乞依紹興三十年已行禮例入令內內侍省差  
內侍省官二員至日捧祭文奠書案其合用奠書案  
并案依乞下臨安府照應紹興三十年體例預行脩  
製施行 一昨國信所具到吊慰使副就驛差中使  
特賜衣服金帶銀器衣著紹興三十三年討論依前



項故例施行今來欲乞紹興三十年已行之體例施行  
一所有祭文欲乞依紹興三十年禮例候讀祭  
文官讀訖令本殿官收掌候班退一面焚燒 一使  
副行祭奠禮其殿上侍香供茶酒贊引依禮例係太  
常寺禮直官祇應 一所有使副行禮日并奉辭日  
依禮例合入殿祇應排立人欲乞令服見今所服  
一行禮前三日欲乞依禮例令御史臺閣門太常寺  
國信所并合詣德壽殿祇應等人並於德壽宮習儀  
一紹興三十年已降指揮弔祭人使見辭訖次日  
作歇泊假所有今來使人見辭次日欲乞依上件禮  
例作歇泊假所有使人祭奠行禮并見辭儀注乞從  
合門太常寺脩定續行申請詔依

七日禮部太常寺言勘會已降指揮禪祭禮畢皇帝  
改服素紗軟腳折上巾白袍黑銀帶詣德壽宮燒香  
則于宮中服哀經行禮所有文武百官自禪除外見  
今并常服黑帶所有將來全國吊慰祭奠使副到闕  
行禮見辭日欲乞依前項指揮皇帝服哀經所有宰  
執以下合服立班官並應奉官及引班人欲乞是日  
于立班時前依作小祥禮畢禮例換服布襖頭布襖  
衫腰經布袴俟班退易常服黑帶詔依

同日閣門言今來吊祭人使到闕見辭授書等今擬

定畫一下項 一使人見辭日皇太子免赴起居

見朝

日內中起居從駕一人使德壽宮朝見日宰執使相見從正

任管軍知閣御帶環衛官宣贊舍人已下諸司應奉

官并赴內殿起居訖從駕至德壽宮入赴殿下分立  
俟車駕入宮逐班當殿恭神兩拜訖赴殿下分東西  
相向立俟吊祭人使行登美礼訖除奉執知閣并當  
祇應宣贊舍人赴侍立祇應位使相侍從正  
已下管軍御帶環衛官不當祇應舍人一人使德壽宮  
朝見館伴免起居 一俟人使行吊祭礼訖吹赴素  
帷進書朝見依例免賜茶宰執舍人已知閣官祇應宣贊  
舍人已知閣官祇應宣贊  
一人使朝見日行門禁衛諸班直親從等令于德壽  
宮殿門外兩翼排立祇應舍人一人使朝拜日依正旦  
例垂拱殿之東極設素幄 一人使朝拜日依正旦  
例除宰執與使舍人一班起居賜茶外使相侍從正  
任管軍御帶環衛官并不當祇應宣贊舍人及諸司  
祇應官并免赴 一人使朝拜日行門禁衛諸班直

親從等令於垂拱殿隔門外并殿門外兩壁排立

一人使見辭日依例提點一名同儀臺司設褥位

一人使見辭日合賜例物止抬兩廂過

三節人從餘例物準此

擔不入 一如有未便事件乞臨時隨節施行詔依

內皇太子免從駕

十一日樞密院言國信所申契勘今來吊祭使人到

關本所依例合預行擬定排日節次事件開具申請

朝廷指揮行下以憑關報所屬排辦施行兼紹興三

十年吊祭使人到關便令北司接計會抄錄排定禮

數日分告減日起發今準省劄節文閣門狀數內人

使朝辭依正旦例垂拱殿之東楹設素幄賜茶賜例

物本所契勘使人合赴德壽殿奉辭并赴垂拱殿朝

群即未承曾準指揮分作兩日或併用一日本所未  
敢擬申排日節次兼使人并非晚到闕詔令分作兩  
日先赴德壽宮奉辭

同日樞密院劄子盱眙軍申照應金國吊祭使副蒲  
察克劉瑋讀祭文官耶律呂并三節人從于二月初  
五日未時遇界到軍乞照會右劄付部禮闕牒施行  
准此

十三日主管往來國信所言契勘今來吊祭使人赴  
闕擬武德大夫本所掌儀王舜臣等申今月六日接  
伴使人在洪潭閣北引接虞用康等將到行禮儀範  
一本詔令申尚書省劄下之門太寺閤門太常寺依  
此施行

吊使祭副以下并常服詣聖座殿門外幕次  
各以案置祭文奠書案并案衣及拍案之官

預先計會館伴所奉立階使副并請祭文官酌奠  
書西入祭文英書奉立階使副并請祭文官酌奠  
書北向立階使副并請祭文官酌奠  
書升自西階使副并請祭文官酌奠  
茶酒畢就位一拜興俱一拜起立再讀祭文官酌奠  
就位一拜興俱一拜起立再讀祭文官酌奠  
宋皇帝座前奉書及傳愿于致慰之詞奉慰等禮并殿  
常儀祭文官隨使副入立于拜褥之右候使副下殿  
如遂隨使副重行設座見

十四日國信所言勘會今來吊祭使人引到闕今承  
接伴所牒已指定行程於今月十九日入國門本所  
進承已降指揮今來吊祭使人到闕應干所賜理物  
等令所屬并依紹興三十年休創數目排辦製造給  
賜兼契勘昨紹興三十年吊祭使人到闕本所元擬  
定排日節次依係一十一日後來使人到駟乞減二  
日朝辭起發今來使人合德壽殿官行禮并朝見及

赴德壽宮奉辭並赴垂拱殿朝辭本所今恭酌此擬  
到今來排日節次事件下項 二月十六日主管官  
同管件已下赴赤岸迎接止宿十七日晚館伴令通  
事等押人馬從物遠傳語使人到赤岸十八日赤岸  
入內內侍省差官二員賜御筵酒果至晚就仁和館  
止宿十九日北郭稅亭茶酒訖候到駟就到差監官  
官一員賜被褥紗鑪等館伴請使人排茶酒晚食  
二十日臨安府書送酒食閣門差官太常寺差禮直  
官就駟習說行禮並朝見儀 二十一日館伴使人  
上馬赴德壽宮殿門外幕次內次詣德壽殿大行太  
上皇帝神御座前行禮次赴素帷進書朝見依例賜  
衣帶例物畢殿門外客省幕次館伴傳旨別賜北使

副并讀祭文官例物訖次赴客省茶酒畢歸駟承受  
賜柑子或改換荔枝支園荔枝內入內侍省差官二員  
賜御筵酒果兩府押伴 二十二日入內內侍省差  
官一員賜生饌依例折博館伴請使人依常式排當  
承受賜香藥酒果係此酒正旦入內內侍省差官一員  
特賜使人衣帶例物等 二十三日入內內侍省差  
官一員賜內中酒果半條使人已下赴天竺寺等處  
燒香排辦素食茶酒承受賜使人乳糖等小貼子稱  
紹興三十年二月一日省劄節文館辦使副洪遵等  
狀檢會元祐八年祭奠使副詣相國寺等處燒香今  
未欲依故事詣天竺寺燒香奉旨依劄付所館伴使  
人于當月初八日赴天竺寺等處燒香訖今未比擬



准脩赴天竺等處燒香更合取自朝廷指揮 二十

四日館伴請使人依常式排當承受賜春氣尚寒酒

果

係此正旦上  
辛新穀酒果

內侍省使同館伴入位賜使副讀祭

文官酒果器物香茶等

二十五日在駟入內內侍

省差官三員內一員先入位特賜弓衣帶例物二員

特賜筵宴酒果

係其內御筵

宴宰臣押伴承受賜中殿

果子并雕花窰煎時果

二十六日入內內侍省差

官一員賜內中酒果館伴請使人依常式排當 二

十七日客省檢賜酒食隹脩使人等已下赴浙江亭

觀亭潮排當茶酒承受賜酒果歸驛閣門太常寺差

官習說赴德壽宮奉辭儀小貼子稱紹興三十年二

月一日省劄節文館伴使副洪遵等狀檢照元祐八

年祭莫使副至寧祥池觀看今來觀潮事体一同欽  
依故事觀潮奉聖旨依劄付所館伴使人于當月十  
一日赴浙江觀潮訖今來比擬準備觀潮更合取自  
朝廷指揮 二十八日館伴使人上馬赴德壽宮殿  
門外幕次內次詣德壽殿大行太上皇帝神御座前  
奉辭訖殿門外幕次茶酒畢歸驛館伴請使人依常  
式排當閤門差官習說朝辭儀 二十九日館伴使  
人上馬入內待漏幕次茶酒入內赴垂拱殿東楹素  
幄朝辭宣坐吃茶酒依賜衣帶例物訖使受國書訖  
次赴殿門外客省茶酒畢歸驛入內內侍省差官二  
員賜御筵酒果而府押伴就差監厨官一員密賜大  
銀器臨安府書送資儀至晚館伴請使人赴坐解換

在筵依例勅詳館伴面授使人賜目其封建請領國  
書本所閱報學士院入內內侍省施行 三十日承  
受賜使人龍鳳茶金鍍銀合并傳宣春寒候日高和  
暖行馬館伴使人上馬至北郭稅亭茶酒畢上舡至  
仁和館供晚食次赴赤岸入內侍省差官二員賜御  
筵酒果差六曹尚書押伴送館伴送伴同坐筵起館  
伴與使人相別送伴交割前去詔依

中興禮書續編第五十九卷

凶禮二十五

永思陵二十五

金國使人弔祭三

淳熙十五年二月十四日太常寺言勘會已降指揮使人祭奠行禮並見辭儀注乞從閤門太常寺脩定續行申請本寺今續行脩定使人祭奠奉辭行禮儀注下項 一祭奠前期儀鸞司於德壽殿東廊設御幄並德壽殿上並施簾其日有司預於殿上設大行太上皇帝神御座主管事務及諸司於殿上先設香案香茶酒果祭使盆臺等俟使人并讀祭文官至德壽殿門外幕次

於如有使人付到祭食先

德壽殿上排設畢 皇帝先詣德

壽宮梓宮前行燒香之禮如宮中之儀畢東廊御幄  
簾降其赴起居侍立等官並如閤門儀禮直官引內  
侍官於德壽殿門外捧祭文奠書案入於殿階下使  
副拜褥之右禮直官舍人通事引使副讀祭文官並  
於殿下褥位北向立定讀祭文官重行立初行引使  
副詣德壽殿門殿上簾捲皇帝於幄內舉哭殿上下  
官皆舉哭殿使副躬揖使副讀祭文官俱再拜訖內  
侍官奉祭文奠書案升西階詣神御座前稍西使副  
讀祭文官隨升殿使副詣殿上北向立讀祭文官在  
祭文奠書後立引使詣神御座前就一拜跪三上香  
奠茶三奠酒畢就一拜興復位神內侍官奉安詣讀祭  
文官降西階下殿立揖躬歸位再拜皇帝於幄舉哭

殿上官皆舉下禮直官舍人通事引使人並權退殿上簾

降使人出德壽殿門外幕次以俟朝見注所有朝見儀

面修一奉辭前期儀鸞司於德壽殿上施簾其日

皇帝不視事有司預於殿上設大行太上皇帝神御

座主管事務及諸司於殿上先設香案香茶酒果祭

食盆台等并德壽宮親從親事官排定如儀俟使人

並讀祭文官德壽宮殿門外幕次俟親從親官自拜

兩拜訖次御史臺閣門太常寺分引宰執侍從官入

赴當殿北向立殿上簾捲躬身兩拜訖宰執官由西

階升殿分東西侍立侍從官於殿下東壁面西立禮

官直舍人通事引使副讀祭文官入殿門殿上舉下官

至殿下褥位北向立定揖躬身兩拜立引使副由西

塔升殿

文殿上官依舊殿下立

祭使副於殿上北向立引

使詣神位座前就一拜跪三上香奠茶三奠酒畢就

一拜興復位立引使副降西階下殿歸位立

殿上官下

哭揖躬兩拜訖退宰執官降西階侍從官以上以次

退殿上簾降詔依

十五日閤門言今擬定吊祭人使到闕德壽宮素帷

朝見節次如後其日內殿入內官班俟報班立定閤

門催奏班齊皇帝先內殿坐知閤門官脩注

并帶服

御帶環衛官皇城司官帶衣執樞密院諸房逐房副

承指宣贊舍人以下諸司祇應官提點同提點兼祇

應并帶服一班常起居訖

讀奏日知閤門殿請奏日

次引宰執使相侍從正任宗室遙局并帶服一班常

起居訖

如宰執奏事

退以俟從駕

已從駕

指

皇太子

次管軍

音永教

一班起常居退以俟從駕俟皇帝出

祥曦殿行門禁衛等迎駕常起居皇帝自祥曦殿上

升輦至德壽宮降輦皇帝入宮行香燒禮先引管軍

知閤御帶環官

衛

皇城司官樞密院諸房逐房副承旨

宣贊舍人以下諸司祇應官

并孝

一班詣几筵殿

下參神兩拜訖赴幄殿下面北立次引宰執使相侍

從正任宗室遥郡

并孝

一班詣几筵殿下參神兩拜

訖赴殿下分東西相向立俟使人至幕次皇帝行燒

香礼如宮中之儀畢皇帝出宮入幄簾降

宰執等免奏萬福

次太常寺禮直官引入内官自殿門奉祭文奠書案

入殿次禮執官舍人通事引人使并讀祭文官入殿



皇帝幄內舉哭殿上下官并哭侯人使并讀祭文官

舉哭侯行禮畢降階下殿時以俟行祭奠禮并如太常

寺儀訖退歸幕次使相衛官皇城司官不當祇應宣

還幕次以俟從駕宰執幄殿下相向立知閣並當祇

應宣贊舍人已下並殿下面北立俟素幄簾卷宰執

分升幄侍立知閣升幄侍立次舍人引人使捧書并

讀祭文官入殿皇帝舉哭在官至幄殿下面幄殿

立讀祭後授書傳語訖引降階與讀祭文官合一班立定不更

立授書傳語訖引降階與讀祭文官合一班立定不更

慰前舍代人奏歸位兩拜訖喝使跪受兩拜已過餘揖未等

入不訖兩拜訖引出次舍人通事引上中節入四拜

入不訖兩拜訖引出次舍人通事引上中節入四拜

入不訖兩拜訖引出次舍人通事引上中節入四拜

起居

代通事班前奏萬福

喝賜跪受

止箱過

訖

兩拜

訖

分出次

舍人通事

引下節人

四拜起居

萬福

喝賜跪受

如上

中節儀

分出知

閤門官

幄內側奏

無事

皇帝起

宰執

已下合從

駕官

并常服

以候從

駕還內

如來儀

詔依

二十二日

國信所

言準

館伴

金國使

人所閱

據通事

郭從喜等

申今月

二十一日

使人令

北引接

傳語

館

伴云今日

行禮已畢

在館排日

只有天竺

觀潮并赴

德壽宮

奉辭朝

辭別合

無佳日

分欲得

早行減二日

早行徑赴

赤岸御筵

申聞事

閱所照

會施行

本所今

釐定二日

開具下項

二月二十四日

承受賜

春燕

尚寒酒

果

係比正旦上

入內內侍

省差官

三員內一

員先入位

特賜弓箭

衣帶例物

訖二員

特賜御筵

酒

辛祈穀酒

果

四

卷五十九

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

果

其御筵係  
北內宴

宰臣押伴承受賜中歇果子并彫花密

煎時果及差官特賜使副讀祭文官酒果器物香茶

等 二十五日入內內侍省差官一員賜內中酒果

客省僉賜酒食館伴請使人依常式排當閤門太常

寺差官習說赴德壽宮奉辭儀 二十六日館伴使

人赴德壽宮殿門外幕次內次茶酒畢歸驛依已降

指揮為使人赴德壽行礼畢差官特賜使副已下金

銀訖赴浙江亭觀潮排辦酒果承受賜酒果閤門差

官習說朝辭儀 二十七日館伴使人上馬至內門

侍漏幕次辦酒入內赴垂拱殿東楹素幄朝辭宣坐

吃茶依例賜衣帶例物訖使人受國書次赴殿門外

客省茶酒畢歸驛入內內侍省差官二員賜御筵酒

果兩府押伴就差監厨官一員密賜大銀器臨安府  
書送責儀至晚館伴請使人赴坐解換在筵依例勸  
勸館伴面授使人賜目其封進請領國書本省閣執  
學士院入內內侍省施行宋會要十五年二月二十  
七日詔朝奉郎中書門下  
省檢正諸房公事京堂假朝奉大夫試禮部尚書普  
亨都開國侯食邑二千戶食寔封一百戶賜紫金魚  
帶充劉崇仁假客州觀察使義郎衛上將軍永平縣國  
會官劉崇仁假客州觀察使義郎衛上將軍永平縣國  
龍圖戶部之二十八日承受賜使人龍鳳茶金鍍  
銀合并傳宣春寒候日高和暖行馬館伴使人上馬  
至北郭稅亭茶酒畢上舡至仁和館供晚食次赴赤  
岸入內內侍省差官二員賜御筵酒果差六曹尚書  
押伴館伴送伴同坐筵起館伴與使人相別送伴交  
割前去詔依

二十三日閤門言今擬定帛祭人使垂拱殿之東極

賜茶畢朝辭節次如後其日皇帝先本殿後幄坐知

閤門官已下并當祇應宣贊舍人已下合祇應諸司

官提點同提點薰祇應一班宣名常起居諸奏日餘官各赴殿之東極侍立祇應位如宰執有

奏事赴本殿後幄起居奏事不更赴殿之東極起居

并赴殿下東壁而西立如舍人奏班總候殿之東極

入內官唱排立報引宰執人并讀祭文官一班于殿

之東極下相向立閤門奏班齊皇帝出殿外行門禁

衛諸班直親從等並迎駕常起居皇帝座引宰執并

人使合一班當殿立定諸祭文官于揖躬身喝拜

兩拜和宰執已赴後幄起居跪引一班賜茶下東訖聽旨

不拜舍人揖躬身贊各就坐不要拜贊直身立分引

升殿席後相向立舍人贊就坐躬身應喏訖直身立

就坐茶至贊喫茶躬身應喏訖直身立就坐搢笏接盞

喫茶訖盞却付殿侍訖出笏分引降詣面殿立定聽

旨不拜舍人揖躬身贊不要拜各祇候直身立分出

皇帝暫起儀鸞司撤坐褥等三俟皇帝坐下和門已

萬福次舍人通事引使人并讀祭文官入面殿立定不

宣揖躬身喝拜兩拜訖喝使跪受儀已降指揖止

不兩拜訖引出次舍人通事引上中節入兩拜訖通

班前代再拜兩訖喝賜跪受止招西兩拜訖分出次

舍人通事引下節入兩拜訖自福奏再兩拜入喝賜跪

受如上中節儀分出次舍人通事再引使副升殿傳

語授書如儀訖引降階至隔門舍人更皇帝詔依

周日尚書省劄子太常寺準樞密院劄子國信所申  
已降指揮節文全國使人欲得早行減二日出門本  
所今橫併用二月二十六日使人詣德壽宮大行太  
上皇帝神御座前奉鮮日宰執侍從合熱赴德壽宮  
立殿班緣同日章懿皇后忌辰文武百僚合赴景靈  
宮行香所有押班行香官今欲乞東班右丞相押班  
而班參政同知押班外其德壽宮使人奉鮮依已降  
指揮宰執侍從并赴德壽宮立班伏乞朝廷指揮施  
行右已劄下閤門御史臺國信所從所申事理施行  
外今劄付太常寺照會疾速施行